

Neraca Harapan

ialah sifat remaja
kedewasaan sebalik keanak-anakan
keanak-anakan sebalik kedewasaan
seringkali kita rintih
pikulan beban
harapan generasi depan

ialah kekhilafan remaja
bermundar-mandir
dibuai angin kemudahan
didodoi keselesaan
asyik menikmati
dunia yang berkilauan

ialah kejahilan remaja
bersuka-ria
tanpa mendalami
pentingnya pengalaman
yang mencanai fikiran
yang menyinari kegelapan

ialah amanat remaja
menjadi tunjang masyarakat
berdalih tidak, bermalas tidak
sentiasa memenuhi neraca
dengan ketulan emas
bukan pecahan kaca

ialah pilihan remaja
membentuk tanggapan
adakah amanah ini
paksaan atau relaan
bagi memenuhi
janji masa hadapan

tetapi aliran masa
akan selalu berterusan
tiada menanti suatu insan
tingkatkanlah kesedaran
mainkanlah peranan
sebagai neraca harapan.

Hadiah Saguhati Sayembara Sastera 2018